



**LIZARTZAKO**  
**UDALA**  
**GIPUZKOA**

**UDALAREN PREMIAZKO BILKURAREN AKTA**

**BERTARATUAK**

**alkate-udal burua**

AITOR AGIRRE ALKORTA

**zinegotziak**

BEGOÑA BALERDI URDAMPILLETA

OIER MINTEGI ZEBERIO

LOURDES SARASOLA ETXEBERRIA

JUAN JOSE GOGORZA BALERDI

FRANCISCA ZUBELDIA LULUAGA

JOSEFINA ALTUNA AZURMENDI

**IDAZKARIA**

ANA JESUS ZABALA GARMENDIA

Lizartzan, 2012ko apirilaren 27an, arratsaldeko 19:00etan, eta Udaleko alkate Aitor Agirre Alkorta presidente izanik, Udaletxeko Bilkura Aretoan bildu dira alboan adierazitako zinegotziak.

Bilkuraren fede ematen du Ana Jesus Zabala Garmendia, udal-idazkari-kontu hartzaileak.

Bilkurari hasiera eman dio presidentek, eta hauek izan dira jorratutako

**GAIK**

**LEHENA. PREMIATASUNAREN JUSTIFIKAZIOA**

Alkateak, hitza harturik, dio:

Premiatusunezko bilkuraren justifikazioa, Hondakinen Prebentzioari buruzko Konpromisoa onartzea da.

Premiatusunezko bilkura egiteko proposamena, aztertu eta eztabaidatu ondoren, aho batez onartua izan da.

**BIGARRENA. HONDAKINEN PREBENTZIOARI BURUZKO KONPROMISOA**

Eredu sozio-ekonomikoa aldatu nahi bada haren iraunkortasuna hobetzeko behar diren jarraibide eta printzipioei jarraituz, orduan beharrezkoa da gizarte osoak parte har dezan eta erakunde, ekonomi eta gizarte eragile guztiek nork bere arloan esku har dezaten, erantzukizun partekatua ikuspuntutik begiratuta esku hartu ere. Horiek horrela, eta garapen iraunkorraren aldeko konpromiso irmo eta egonkor bat ezartzeko asmoz, Prebentzioari buruzko Konpromisoa izenpetzen dutenek beren gain hartzen dute ondorengo printzipioak errespetatzea.

1.- Prebentzioa lehentasunezko helburutzat hartzea Gipuzkoako gizarte osoaren erantzukizun konpartitua ikuspegi batetik begiratuta, Hondakin Plana garatu eta ezartzeak eskatzen duen bezala.



**LIZARTZAKO**  
**UDALA**  
**GIPUZKOA**

- 2.- Barne funtzionamenduan hondakinak sortzearen inguruko prebentzio programak ezartzea, eta laguntza emate hondakinak murriztu, berrerabili, erreziklatu eta konpost egitearen emaitzak hobetuko dituzten esperientziei.
- 3.- Bere arloan ingurumen informazio eta heziketako ekintzak gauzatzea, kontsumo ildo arduratsuak bultzatzeko eta prebentzioaren alde egiteko.
- 4.- Antolakuntza eta araugintzako bitarteko berariazkoak ezartzea, bere gizarte eta ekonomi ingurua preentzioan sar dadin.
- 5.- Sektoreen arteko koordinazio bideak ezartzea garapen iraunkorreko prebentzio eta sustapen programetan parte hartzearen alde egiteko.

Guzti hori kontutan hartuta, Lizartzako Udalak, aho batez, erabaki du:

Lehenengo.- Bere egitea Gipuzkoako Hiri Hondakinen Prebentzioari buruzko Dekalogoaren barruan dauden neurriak:

**HONDAKINEN PREBENTZIOARI BURUZKO DEKALOGOIA**

Gipuzkoako Foru Aldundiak badaki jakin, gure eredu sozio-ekonomikoa aldatu eta eredu iraunkorrago baterantz jotzeko, tarteko izan behar dutela eta esku hartu gizarte, ekonomi eta erakunde eragile guztiek; horregatik, EAEko administrazio maila desberdinekin elkarlanean, konpromiso hauek hartzen ditu:

- 1.- Bere gain hartzea prebentzioa **lehentasunezko helburu** gisa Gipuzkoako gizarte osoaren **erantzukizun konpartituaren** ikuspegi batetik begiratuta, Hondakin Plana garatu eta ezartzeak eskatzen duen bezala.
- 2.- Bere indarrak koordinatu eta batzea, hartara, prebentzioari emango zaion tratamendua koherentea izan dadin Hondakin Plana garatzeko ezarri diren programetara bideratutako baliabideekin.
- 3.- Bere barne funtzionamenduan hondakinak sortzearen inguruko prebentzio programak ezartzea eta laguntza ematea Hondakin Plana garatu eta ezartzerakoan hondakinak murriztu, berrerabili, erreziklatu eta konpost egitearen emaitzak hobetu ditzaketen esperientziei.
- 4.- Ingurumen informazio eta heziketako kanpainak areagotzea, kontsumo ildoak aldatzeko, prebentzioa bultzatzeko eta gaikako bilketan eta erreziklatzean parte



**LIZARTZAKO**  
**U D A L A**  
**GIPUZKOA**

hartzea sustatzeko. Kanpaina horiek zatika zuzenduko zaizkio gizarteari, eta mezu desberdinak emango dira maila ekonomikoa, gizarteratze maila, lanekoa, adina, eta abar kontuan hartuta. Horretarako, soziologiako azterketak egingo dira, populazio zati edo sektore horien jarrera eta jokaera desberdinen berri jakiteko.

- 5.- Teknika, lege eta zerga alderdietako tresnak aztertzea prebentzio arloan lan egiteko, ekodiseinua eta hondakinak jatorrian gutxitzea bultzatzearen.
- 6.- Sistema bat ezartzea kudeaketa erakundeetatik aparte, prebentzio arloko helburuak zenbateraino betetzen diren, horren jarraipena egiteko, adierazle egokiak erabilia, hala nola, sortutako hondakinen osaera eta kopurua.
- 7.- Neurri ekonomikoak ezartzea prebentzio arloko lanen alde egiteko, eta baliabideen premiari gabeko kontsumoa nahiz hondakin sorrera handiagoa zigortzeko.
- 8.- Hondakinak berriro erabiltzea bultzatzea, helburu hori izango duten sailkapen planta espezializatuen bitartez.
- 9.- Berriro erabili eta erreziklatzearen printzipioak ezarriko zaizkie Hondakin Planari elkartutako tratalekueetatik datozen hondakinei.
- 10.- Zabor tasa aldagarriak ezartzeko aukera aztertzea, gaikako bilketa prozesuetan parte hartzea saritzeko.

Eta beste gairik ezean, alkateak amaitutzat eman du bilkura, arratsaldeko zazpi t'erdietan, eta nik, idazkari naizen aldetik, horren fede eman dut.

ALKATEAK  
Izpta: Aitor Agirre Alkorta

IDAZKARI-KONTU HARTZAILEAK  
Izpta: Ana Jesus Zabala Garmendia